

Vervalste stichtingsakte van de Sint-Remigiusabdij in Reims (968)

Overgenomen uit H.P.H. Camps, Oorkondenboek van Noord-Brabant tot 1312, p. 35-36, nr. 23.

In nomine sancte et individue Trinitatis.

Gerberga divina dispensante dementia humilis Francorum regina.

Cum omnis sancta ecclesia ab exordio Christiane religionis rite dispositis quibuscumque ecclesiasticis utilitatibus donis sit maxime ditata regalibus, dignum profecto ducimus, si morem antiquorum sequentes, ex rebus nostris eandem honorantes sublimamus, sperantes a Domino bonis eternalibus remunerari; cuius pietatis consilio actus nostros obtamus in salutem dirigi.

Quocirca fidelium presentium universitati simul et secutorum notum sit posteritati quoniam, locum sancti Remigii magnifici doctoris Francorum et apostoli admodum gaudentes rerum increments readier prosperari ac multiplici bonorum copia fortunatum haberi, sollempniter delegantes per manus fidelis advocati nostri comitis Arnulfi légitima vestitura, cum consilio, pietate quoque ac benigno assensu domni Ottonis imperatoris augusti tradimus sancto Remigio quoddam iuris nostri predium in alodo in honore sancti Petri consecratum vocabulo Marsnam, in comitatu Masaugo, cum omnibus ad ipsum predium pertinentibus, id est Clumam et Litam cum appenditiis suis, Hertram et Angledurani cum appenditiis suis superadditis etiam rebus aliis quecumque ex ipso fisco in ius dominicum iam olim devenerant, astantibus etiam, immo collaudantibus atque conrmanantibus Gerardo Tullensi episcopo atque comitibus Emmone et Ansfrido, nonnullis quoque aliis nobilibus viris, fidentes utique tanti patris et patroni nostri plurimum mentis adiuvari, totumque hoc agentes pro salute videlicet nostra et remedio senioris nostri pie memorie Gisleberti sui que parentum, patris scilicet et matris Rageri et Albrade; ea scilicet ratione ut idem locus sancti Remigii, qui semper ab antiquo regiis donationibus utpote capud Francie fuerat honoratus, nostris etiam donis regalibus ditescat et polleat uberius ipsumque alodum ut sui proprium legitimo iure firmiter tenendo inperpetuum possideat, quatinus memoriam nostri ac prefati viri senioris nostri Gisleberti apud se iugiter fixam idem locus habeat suisque orationibus perpetuis et sacrificiorum muneribus et votis in conspectu Dei eiusdem memoriam piissime recolat. Ipsum autem alodum sub omni rerum integritate legitima exterminatione constat habens mansos LXXXII^{os} cum terris videlicet cultis et incultis, silvis, pratis, vineis et pascuis, cambis, molendinis, aquis aquarumve decursibus, exitibus et regressibus.

Ceterum si quis forte olim temptaverit hanc traditionem regiam inquietare eique nefas aliquod ex adverso irrogare, penas temeritati sue obnoxias ut reus maiestatis exsolvat, immo etiam Deo et sancto Remigio cum omni emendatione iuxta legis decretum satisfaciat et sic hec regalis donatio nostra inviolabilis semper permaneat et inconcussa.

Actum III id. februarii, anno incarnationis dominice DCCCCLXVIII, in prefato comitatu in villa que dicitur Hacta.

Anno XXXII regnante domno Ottone inclito imperatore ac cesare augusto, filio quoque eius equivoco regnante anno VII.

SS. domne Gerberge gloriose regine, que regie auctoritatis manu hoc scriptum, quod fieri iussit, dignanter corroboravit et aliis confirmare mandavit.

S. iuvenis magne indolis Caroli.

S. Arnulfi comitis, qui vice domne regine hanc traditionem fecit.

S. Emmonis comitis, S. Ansfridi comitis, S. Huberti, S. item Huberti, S. Gotramni,

S. Franconis, S. Gerardi, S. Euruini, S. Adelstamni. S. Huniconis, S. Godeleui,

S. Ysaac, S. Theoderici, S. Onulfi, S. Wlberti, S. Rotlandi, S. Rageri.

Data pridie id. februarii manu domne regine et suscepta a domno abbate Hugone, qui ibi affuit cum suo advocato Emmone predicto comite.